



謝惠連傳

李燾撰

謝惠連年十歲能屬文族兄靈運加賞之云每有篇章對惠連輒得佳語嘗於永嘉西堂思堂竟日不就忽夢見惠連即得池塘生春草大以為工常云此語有神功非吾語也本州辟主簿不就惠連先愛幸會稽郡吏杜德靈及居父憂贈以五言詩十餘首乘流遵歸路諸篇是也坐廢不豫榮位尚書僕射殷景仁愛其才言次白文帝言臣小兒時便見此文而論者云是惠連其實非也文帝曰若此便應通之元嘉七

言惠連集序
年方爲司徒彭城王義康法曹行參軍義康脩東府
城城塹中得古冢爲之改塋使惠連爲祭文留信待
成其文甚美又爲雪賦以高麗見奇靈運見其新文
每曰張華重生不能易也文章並行於世年三十七
卒旣早亡輕薄多尤累故官不顯無子惠連弟惠宣
爲江川太守

謝惠連傳終

謝惠連集目錄

賦

雪賦

詩

三月三日曲水集

汎南湖至石帆

西陵遇風獻康樂
五章

代古

秋懷

擣衣

泛湖歸出樓中望月

七月七日夜詠牛女

喜雨

詠冬

讀書

離合二首

夜集作離合

夜集嘆車

與孔曲阿別詩

詠螺蚌

失題

前緩聲歌

秋胡行二首

隴西行

豫章行

塘上行

却東西門行

代悲哉行

燕歌行

猛虎行

鞠歌行

長安有狹邪行

順東西門行

文

祭周居士文

祭禹廟文

祭古冢文 并序

終

謝惠連集

宋 丹陽謝惠連著

明 新安汪士賢校

賦

雪賦

歲將暮時昏寒風積愁雲繁梁王不悅遊於兔園乃
置旨酒命賓友召鄒生延枚叟相如末至居客之右
俄而微霰零密雪下王乃歌北風於衛詩詠南山於
周雅授簡於司馬大夫曰抽子秘思騁子言辭俾色

揣稱爲寡人賦之相如於是避席而起遂巡而揖曰
臣聞雪宮建於東國雪山峙於西域岐昌發詠於來
思姬蒲申歌於黃竹曹風以麻衣比色楚謠以幽蘭
儷曲盈尺則呈瑞於豐年表丈則表沴於陰德雪之
時義遠矣哉請言其始若乃玄律窮嚴氣升焦溪涸
湯谷凝火井滅溫泉冰沸潭無涌炎風不興北戶瑾
扉裸壤垂繒於是河海生雲朔漠飛砂連氛累霄淹
日韜霞霰浙瀝而先集雪紛糅而遂多其爲狀也散
漫交錯氛氲蕭索藹藹浮浮漶漶弈弈聯翩飛灑徘徊

徊委積始緣堯而冒棟終開簾而入隙初便於墀
庶末榮盈於帷席旣因方而爲珪亦遇圓而成璧眇
隰而萬頃同縞瞻山則千巖俱白於是臺如重壁逵
似連璐庭列瑤階林挺瓊樹皓鶴奪鮮白鷗失素紈
袖慙冶玉顏掩媿若乃積素未虧白日朝鮮爛兮若
燭龍銜耀照崑山爾其流滴垂冰緣雷承隅粲兮若
馮夷剖蚌列明珠至夫繽紛繁鷺之貌皓汗皦潔之
儀迴散縈積之勢飛聚凝曜之奇固展轉而無窮嗟
難得而備知若乃申娛玩之無已夜幽靜而多懷風

觸楹而轉響月承幌而通暉酌湘吳之醇酎御狐貉
之兼衣對庭鷗之雙舞瞻雲鴈之孤飛折園中之萱
草適階上之芳薇踐霜雪之交積憐枝葉之相違馳
遙思於千里願接手而同歸鄒陽聞之憊然心服有
懷妍唱敬接末曲於是乃作而賦積雪之歌歌曰攜
佳人兮披重幄援綺衾兮坐方縹燎薰鑪兮炳明燭
酌桂酒兮揚清曲又續而爲白雪之歌歌曰曲旣揚
兮酒旣陳朱顏醜兮思自親願低帷以昵枕念解珮
而褰紳怨年歲之易暮傷後會之無因君寧見階上
之白雪豈鮮耀於陽春歌卒王乃尋繹吟翫撫攬扼
腕顧枚叔起而爲亂亂曰白羽雖白質以輕兮白玉
雖白空守貞兮未若茲雲因時興滅玄陰凝不昧其
潔太陽曜不固其節節豈我名潔豈我貞憑雲升降
從風飄零值物賦像任地班形素因遇立污隨染成
縱心皓然何慮何營

詩

三月三日曲水集

四時著平分三春稟融爍遲遲和景婉天天園桃灼

携朋適郊野，昧爽辭廓廓。蜚雲興翠嶺，芳飈起華薄。
解轡偃崇丘，藉草繞迴壑。際渚羅時欵，託波汎輕爵。

汎南湖至石帆

軌息陸塗初，柁鼓川路始。漣漪繁波漾，參差層峯峙。
蕭疎野趣生，逶迤白雲起。登陟苦跋涉，矚盼樂心耳。
即翫翫有竭，在興興無已。

西陵遇風獻康樂

五章

我行指孟春，春仲尚未發。趣途遠有期，念離情無歇。
成裝候良辰，漾舟陶嘉日。瞻塗憶少悰，還顧情多闕。

其二

誓兄感此別，相送越垌林。飲餞野亭館，分袂澄湖陰。
悽悽留子言，眷眷浮客心。迴塘隱艫棹，遠望絕形音。

其三

靡靡即長路，戚戚抱遥悲。悲遥但自弭，路長當語誰。
行行道轉遠，去去情彌遲。昨發浦陽汭，今宿浙江湄。

其四

屯雲蔽曾嶺，驚風湧飛流。零雨潤墳澤，落雪灑林丘。
浮氛晦崖巘，積素惑原疇。曲汜薄停旅，通川絕行舟。

其五

臨津不得濟，佇楫阻風波。
蕭條洲渚際，氣色少諧和。
西瞻興游歎，東睇起悽歌。
積憤成疾疢，無萱將何如。

代古

遠方來贈我，鵠文綾貯以相思。
篋緘以同心繩，裁爲親身服。
著以俱寢與別來，經年歲歡心不可凌。
瀉酒置井中，誰能辯斗升。合如杯中水，誰能判溜渾。

秋懷

平生無志意，少小嬰憂患。如何乘苦心，矧復值秋晏。

皎皎天月明，奕奕河宿爛。
蕭瑟含風蟬，寥唳度雲鴈。
寒商動清閨，孤燈暖幽幔。
耿介繁慮積，展轉長宵半。
夷險難預謀，倚伏昧前算。
雖好相如達，不同長卿慢。
頗悅鄭生偃，無取白衣宦。
未知古人心，且從性所翫。
賓至可命觴，朋來當染翰。
高堂驟登踐，清淺時陵亂。
頽鬼不再圓，傾羲無兩旦。
金石終銷毀，丹青豔彫換。
各勉玄髮歡，無貽白首嘆。
因歌遂成賦，聊用布親串。

擣衣

衡紀無淹度，晷運倏如催。
白露滋園菊，秋風落庭槐。

蕭蕭莎鷄羽烈烈寒螿啼夕陰結空幕宵月皓中閨
美人戒裳服端飾相招攜簪玉出北房鳴金步南階
欄高砧響發楹長杵聲哀微芳起兩袖輕汗染雙題
紈素既已成君子行未歸裁用笥中刀縫爲萬里衣
盈篋自余手幽絨俟君開腰帶准疇昔不知今是非

泛湖歸出樓中望月

日落泛澄瀛星羅游輕橈憇榭回曲汜臨流對迴潮
輟策共駢筵並坐相招要哀鴻鳴沙渚悲猿響山椒
亭亭映江月颯颯出谷颺斐斐氣幕岫泫泫露盈條

近矚祛幽蘊遠視盪誼囂晤言不知罷從夕至清朝

七月七日夜詠牛女

落日隱欄楹升月照簾櫳團團蒲葉露析析振條風
蹠足循廣除瞬目矚曾穹雲漢有靈匹彌年闕相從
遐川阻睚愛脩渚曠清容弄杼不成藻聳轡驚前蹤
昔離秋已雨今聚夕無雙傾河易迴幹欵情難久悰
沃若靈駕旋寂寥雲幄空留情顧華寢遙心逐奔龍
沉吟爲爾感情深意彌重

喜雨

朱明振炎氣溽暑扇温飈羨彼明月輝離畢經中宵
思此西郊雲旣雨盈崇朝上天愍憔悴商羊自吟謔

詠冬

七宿乘運曜三星與時滅履霜冰彌堅積寒風愈切
繁雲起重陰廻飈流輕雪園林粲斐皓庭除秀皎潔
墀瑣有凝汗逵衢無通轍

讀書

賁園奚足慕下惟故宜遵山成由一簣崇積始微塵
虞軒雖眇莽顏隰亦何人

離合詩二首

放棹遵遙塗方與情人別嘯歌亦何言肅爾凌霜節

又

夫人皆薄離二友獨懷古思篤子衿詩山川何足苦

夜集作離合

四坐宴嘉賓一客自遠臻九言何所戒十善故宜遵

夜集嘆乖

詩人詠踟躕搔首歌離別誠哉曩日歡展矣今夕切
吾生赴進令質明即行轍在貧故宜言贈子保温惠

曷用書諸紳久要亮有誓

與孔曲阿別詩

淒淒乘蘭秋言餞千里舟塗屆雲陽邑邑宰有昔遊
行人雖念路爲爾暫淹留

詠螺蚌

輕羽不高翔自用弦網羅纖鱗惑芳餌故爲釣所加
螺蚌非有心沉迹在泥沙文無彫飾用味非鼎俎和
失題

夕坐苦多慮行歌踐閨中房櫳引傾月步檐結春風

前緩聲歌

羲和織阿去嵯峨覩物知命使余轉欲悲歌憂戚人
心曾處山勿居峯在行勿爲公居峯大阻銳爲公遇
讒蔽雅琴自踈越雅韻能揚揚滑滑相混同始終福
祿豐

秋胡行二首

春日遲遲桑何淒淒紅桃含天綠柳舒萸避近粲者
游渚戲蹊華顏易改良願難諧

係風捕影誠知不得念彼奔波意慮廻惑漢女倏忽

洛神飄揚空勤交甫徒勞陳王

隴西行

運有榮枯道有舒屈潛保黃裳顯服朱黻誰能守靜
棄華辭榮窮谷是處考槃是營千金不廻百代傳名
厥包者袖忘憂者萱何爲有用自垂中原實摘柯摧
葉殞條煩

豫章行

軒帆迢遙路薄送瞰遐江舟車理殊緬密友將遠從
九里樂同潤二華念分萃集歡豈今發離歎自古鍾

促生靡緩期迅景無遲蹤緇髮迫多素憔悴謝華年
婉婉寡留畧窈窕閉淹龍如何阻行止憤愠結心膺
旣微達者度歡戚誰能封願子保淑慎良訊代徽容

塘上行

芳萱秀陵阿菲質不足營華有忘憂用移根託君庭
垂穎臨清池擢彩仰華甍霑渥雲雨潤葳蕤吐芳馨
願君春傾葉留景惠餘明

却東西門行

慷慨發相思惆悵戀音徽四節競闌候六龍引頽機

人生隨時變遷化焉可祈百年難必保千慮盈懷之
代悲哉行

羈人感淑節緣感欲回轍我行詎幾時華實驟舒結
覩實情有悲瞻華意無悅覽物懷同志如何復乖別
翩翩翔禽羅關關鳴鳥列翔鳴常疇偶所歎獨乖絕

燕歌行

四時推遷迅不停三秋蕭瑟葉解輕飛霜被野鴈南
征念君客遊羈思盈何爲淹留無歸聲愛而不見傷
心情朝日潛輝華燈明林鵲同棲渚鴻并接翮偶羽
依蓬瀛僂依旅類相和鳴余獨何爲志無成憂緣物
感淚沾纓

猛虎行

貧不攻九嶷王倦不憇三危峯九嶷有惑號三危無
安容美物標貴用志士勵奇蹤如何祗遠役王命宜
肅恭伐鼓功未著振旅何時從

又

猛虎潛深山長嘯自生風人謂客行樂客行苦心傷
鞠歌行

翔馳騎千里姿伯樂不舉誰能知南荆壁萬金貨卞
和不斲與石離年難留時易隕厲志莫賞徒勞疲沮
齊音溺趙吹匠石善運郢不危古綿眇理參差單心
慷慨雙淚垂

長安有狹邪行

紀郢有通達通達並軒車帟帟雕輪馳軒軒翠蓋舒
撰策之五尹振轡從三閭推劔馮前軾鳴佩專後輿
順東西門行

哀朝茵閔頽力遷化常然焉肯息及壯齒遇世直酌
酪華堂集親識舒情盡歡遣懷惻

文

祭周居士文

維君陶造化之純元侔先哲之遐蹤體無事於高尚
蹈虛素手中庸不臣天子不事諸侯公辟弗聆王命
匪酬窮歡極樂帶索被裘

祭禹廟文

謹遣左曹掾奉水土之羞敬薦夏帝之靈咨聖繼天
載誕英徽克明克哲知章知微運此宏謨卹彼民憂

身勞五岳形疲九州呱呱弗顧虔虔是欽物貴尺璧
我重寸陰乃錫玄圭以告成功虞數既改夏德乃隆
臨朝總政巡國觀風淹留稽嶺乃徂行宮恭司皇役
敬屬暉融神且畧薦乃昭其忠

祭古冢文

并序

東府掘城北塹入丈餘得古冢上無封域不用埽甃
以木爲槨中有二棺正方兩頭無和明噐之屬材瓦
銅漆有數十種多異形不可盡識刻木爲人長三尺
可有二十餘頭初開見悉是人形以物棖撥之應手

灰滅棺上有五銖錢百餘枚水中有甘蔗節及梅李
核瓜瓣皆浮出不甚爛壞銘誌不存世代不可得而
知也公命城者改埋於東岡祭之以豚酒旣不知其
名字遠近故假爲之號曰冥漠君云爾

元嘉七年九月十四日司徒御屬領直兵令史統作
城錄事臨漳令亭侯朱林具豚醪之祭敬薦冥漠君
之靈恭總徒旅版築是司窮泉爲塹聚壤成基一槨
旣啓雙棺在茲捨畚悽愴縱鍾漣而芻靈已毀塗車
旣摧几筵糜腐俎豆傾低盤或梅李益或醢醢蔗傳

餘節底表遺屏追惟夫子生自何代曜質幾年潛靈
幾載爲壽爲夭寧顯寧晦銘誌堙滅姓字不傳今誰
子後曩誰子先功名美惡如何蔑然百堵皆作十仞
斯齊壙不可轉壟不可廻黃腸旣毀便房已頽循題
興念撫備增哀射聲垂仁廣漢流渥祠骸府阿掩骼
城曲仰羨古風爲君改卜輪移北隍窀穸東麓壙即
新營棺仍舊木合塋非古周公所存敬遵昔義還祔
雙魂酒以兩壺牲以特豚幽靈髣髴歆我犧樽嗚呼
哀哉

顏延年傳

沈約撰

顏延之字延年琅邪臨沂人也曾祖含右光祿大夫
祖約零陵太守父顯護軍司馬延之少孤貧居負郭
室巷甚陋好讀書無所不覽文章之美冠絕當時飲
酒不護細行年三十猶未婚妹適東莞劉憲之穆之
子也穆之旣與延之通家又聞其美將仕之先欲相
見延之不往也後將軍吳國內史劉柳以爲行參軍
因轉主簿豫章公世子中軍行參軍義熙十二年高
祖北伐有宋公之授府遣一使慶殊命參起居延之

與同府王參軍俱奉使至洛陽道中作詩二首文辭藻麗爲謝晦傅亮所賞宋國建奉常鄭鮮之舉爲博士乃遷世子舍人高祖受命補太子舍人鴈門人周續之隱居廬山儒學著稱永初中徵詣京師開館以居之高祖親幸朝彥畢至延之宮列猶卑引升上席上使問續之三義續之雅仗辭辯延之每折以簡要既連挫續之上又使還自敷釋言約理暢莫不稱善徙尚書儀曹郎太子中舍人時尚書令傅亮自以文義之美一時莫及延之負其才辭不爲之下亮甚疾

焉廬陵王義真頗好辭義待接甚厚徐羨之等疑延之爲同異意甚不悅少帝即位以爲正負郎兼中書尋徙員外常侍出爲始安太守領軍將軍謝晦謂延之曰昔荀勗忌阮咸斥爲始平郡今卿又爲始安可謂二始黃門郎殷景仁亦謂之曰所謂俗惡俊異世疵文雅延之之郡道經汨潭爲湘州刺史張紀祭屈原文以致其意曰云云元嘉三年羨之等誅徵爲中書侍郎尋轉太子中庶子頃之領步兵校尉賞遇甚厚延之好酒踈誕不能斟酌當世見劉湛殷景仁專當

要任意有不平常云天下之務當與天下共之豈一
人之智所能獨了辭甚激揚每犯權要謂湛曰吾名
器不升當由作卿家吏湛深恨焉言於彭城王義康
出爲永嘉太守延之甚怨憤乃作五君詠以述竹林
七賢山濤王戎以貴顯被黜詠嵇康曰鸞翮有時鍛
龍性誰能馴詠阮籍曰物故可不論塗窮能無慟詠
阮咸曰屢薦不入官一麾乃出守詠劉伶曰醕精日
沉飲誰知非荒宴此四句蓋自序也湛及義康以其
辭旨不遜大怒時延之已拜欲黜爲遠郡太祖與義

康詔曰降延之爲小邦不政有謂其在都邑豈動物
情罪過彰著亦士庶共悉直欲選代今思愆里閭猶
復不悛當驅往東土乃志難恕自可隨事錄治殷劉
意咸無異也乃以光祿勳車仲遠代之延之與仲遠
平素不協屏居里巷不豫人間者七載中書令王球
名公子遺務事外延之慕焉球亦愛其才情好甚欸
延之居常聲價球輒贍之晉恭思皇后塋應須百官
湛之取義熙元年除身以延之兼持邑吏送札延之
醉投札于地曰顏延之未能事生焉能事死閑居無

事爲庭誥之文

云

劉湛誅起延之爲始與王濬後軍

諮議參軍御史中丞在任從容無所舉奏遷國子祭
酒司徒左長史坐啓買人田不肯還直尚書左丞荀
赤松奏之曰求田問舍前賢所鄙延之唯利是視輕
買陳聞依傍詔恩拒捍餘直垂及周年猶不畢了昧
利苟得無所顧忌延之昔坐事屏斥復蒙抽進而曾
不悛革慈誹無已交游關其沈迷翹葉橫興譏謗詆
毀朝士仰竊過榮增憤薄之性私恃顧盼成疆梁之
心外示寡求內懷奔競千祿祈遷不知極已預譏班
觴肆罵上席山海含容每存遵養愛兼彫蟲未忍遐
棄而驕放不節日月彌著臣聞聲問過情孟軻所耻
况聲非外來問由已出雖心智薄劣而高自比擬客
氣虛張會無愧畏豈可復彌亮五教增曜台階請以
延之訟田不實妄干天聽以疆凌弱免所居官訟持
復爲秘書監光祿勳太常時沙門釋慧琳以才學爲
太祖所賞愛每召見常升獨榻延之甚疾焉因醉白
上白曰昔同子參乘袁綵正色此三台之坐豈可使
刑餘居之上變色延之性旣褊激兼有酒過肆意直

言曾無過隱故論者多不知云居身清約不營財利
布衣蔬食獨酌郊野當其爲適傍若無人二十九年
上表自陳曰臣聞行百里者半於九十言其末路之
難也愚心常謂爲虛言今乃知其信臣延之人薄寵
厚宿塵國言而雪効無從榮堞增廣曆盡身彫日叨
官次雖容載有塗而妨穢滋積早欲啓請餘筭屏蔽
醜老但時制行及歸慕無餘是以悞冒愆非簡息干
黷耗歇難支質用有限自去夏侵暑入此秋變頭齒
眩疼根痼漸劇手足冷痺左脾尤甚素不能食頃向

減半本猶賴服比倦憊晚年疾所催顧景引日臣班
叨首卿位尸封典肅祗朝校尚愧匪任而陵廟衆事
有以疾怠官府覲慰轉闕躬親息矣庸微過宰近邑
回澤爰降實加將監乞解所職隨就藥養伏願聖慈
特垂矜許稟恩明世負報冥暮仰企端闈上戀罔極
不許明年致事元凶弒立以爲光祿大夫先是子竣
爲世祖南中郎諮議叅軍及義師入討竣參定密謀
兼造書檄劾召延之示以檄文問曰此筆誰所造延
之曰竣之筆也又問何以知之延之曰竣筆體臣不

容不識劭又曰言辭何至乃爾延之曰峻尚不顧老
父何能爲陛下劭意乃釋由是得免世祖登祚以爲
金紫光祿大夫領湘東王師子峻旣貴重權傾一朝
凡所資供延之一無所受噐服不改宅宇如舊常乘
羸牛笨車逢峻鹵簿即屏往道側又好騎馬遨遊里
巷遇知舊輒據鞍索酒得酒必積然自得常語峻曰
平生不喜見要人今不幸見汝峻起宅謂曰善爲之
無今後人笑汝拙也表解師職加給親信三十人孝
建三年卒時年七十三追贈散騎常侍特進金紫光
祿大夫如故謚曰憲時延之與陳郡謝靈運俱以詞
彩齊名自潘岳陸機之後文士莫及也江左稱顏謝
焉所著並傳於世峻別有傳峻弟惻亦以文章見知
官至江夏王傅義恭大司徒錄事參軍蚤卒太宗卽
位詔曰延之昔師訓朕躬情契兼款前記室參軍濟
陽太守夙伏勤蕃朝綢繆恩舊可擢爲中書侍郎夙
延之第三子也

史臣曰出身事主雖義在忘私至於君親兩旣事
無同濟爲子爲臣各隨其時可也若夫馳文道路

軍政相儀成敗所因非繫乎此而據筆數皐陵讎
犯逆餘彼慈親垂之虎吻以此爲忠無聞前詰夫
自忍其親必將忍人之親自忘其孝期以申人之
孝食子放鹿斷可識矣記云八十者一子不從政
九十者家不從政豈不以年薄桑榆憂患將及雖
有職王朝許以辭事况顛沛之道慮在未測者乎
自非延年之辭允而而義慝天豈或免

顏延年傳終

顏延之集

卷之六

宋 琅邪顏延之著

明 新安汪士賢校

賦

赭白馬賦

驥不稱力馬以龍名豈不以國尚威容軍馱趨迅而
已實有騰光吐圖疇德瑞聖之符焉是以語崇其靈
世榮其至我高祖之造宋也五方率職四隩入貢秘
寶盈於王府文駟列乎華廡乃有乘輿赭白特稟逸

異之姿妙簡帝心用錫聖阜服御順志馳驟合度齒
歷雖衰而藝美不忒襲養兼年恩隱周渥歲老氣殫
斃于內棧少盡其力有惻上仁乃詔陪侍奉述中旨
末臣庸蔽敢同獻賦其辭曰

維宋二十有二載盛烈光乎重葉武義粵其肅陳文
教迄已優洽泰階之平可升興王之軌可接訪國美
於舊史考方載於往牒昔帝軒陟位飛黃服阜后唐
膺籙赤文候日漢道亨而天驥呈才魏德懋而澤馬
效實伊逸倫之妙足自前代而間出並榮光於瑞典

登郊歌乎司律所以崇衛威神扶護警蹕是用精曜
叶從靈物咸秩登明命之初基罄九區而率順有肆
險以稟朔或踰遠而納賁聞王會之阜昌知函夏之
充牣總六服以收賢掩七戎而得駿蓋乘風之淑類
實光景之洪胤故能代駿象輿歷配鈎陳齒筭延長
聲價隆振信聖祖之蕃錫留皇情而驟進徒觀其附
筋樹骨垂梢植髮雙瞳夾鏡兩權協月異體峯生殊
相逸發超攄絕夫塵轍驅驚迅於滅沒簡偉塞門獻
狀絳闕且刷幽燕晝秣荆越教敬不易之典訓人必

書之舉惟帝惟祖爰游爰豫飛輶軒以戒道環轂騎
而清路勒五營使按部聲八鑿以節步具服金組兼
飾丹腹寶鉸星纏鏤章霞布進迫遮迺却屬輦輅欵
聳擢以鴻驚時濩略而龍翥弭雄姿以奉引婉柔心
而侍御至於露滋月肅霜戾秋登王于興言闡肆威
稜臨廣望坐百層料武藝品驍騰流藻周施和鈴重
設睨影高鳴將超中折分馳迴場角壯永埒別輦越
羣絢練夔絕捷趨夫之敏手促華鼓之繁節經玄蹄
而電散歷素支而冰裂膺門沫赭汗溝走血蹤迹迴

唐畜怒未洩乾心降而微怡都人仰而明悅妍變之
態旣畢凌遽之氣方屬跼鑣轡之牽制隘通都之圈
東眷西極而驤首望朔雲而蹠足將使紫燕駢衡綠
虵衛轂織驪接趾秀騏齊于覲王母於崑墟要帝臺
於宣嶽跨中州之轍迹窮神行之軌躅然而盤于遊
畎作鏡前王肆於人上取悔義方天子乃輟駕迴慮
息徒解裝鑿武穆憲文光振民隱脩國章戒出豕之
敗御惕飛鳥之時衡故祗慎乎所常忽敬備乎所未
防輿有重輪之安馬無泛駕之佚處以濯龍之輿委

以紅粟之秩服養知仁從老得卒加弊帷收什質天
情周皇恩畢

亂曰惟德動天神物儀兮於時駟駿充階街兮真靈
月駟祖雲螭兮雄志倜儻精權竒兮旣剛且淑服鞿
羈兮効足中黃狗驅馳兮願終惠養蔭本枝兮竟先
朝露長委離兮

詩

應詔讌曲水作詩八章

道隱未形治彰旣亂帝迹懸衡皇流共貫惟王創物

永錫洪算仁固開周義高登漢

其二

祚融世哲業光列聖太上正位天臨海鏡制以化裁
樹之形性惠浸萌生信及翔泳

其三

崇虛非徵積實莫尚豈伊人和寔靈所貺日完其朔
月不掩望航琛越水輦書踰嶂

其四

帝體麗明儀辰作貳君彼東朝金昭玉粹德有潤身

禮不愆器柔中淵映芳猷蘭秘

其五

昔在文昭今惟武穆於赫王宰方且居叔有睟數蕃
爰履奠牧寧極和鈞屏京維服

其六

肫魄雙交月氣參變開榮灑澤舒虹爍電化際無間
皇情爰眷伊思鎬飲每惟洛宴

其七

郊餞有壇君舉有禮幙帷蘭甸畫流高陛分庭薦樂

析波浮醴豫同夏諺事兼出

其八

仰閱豐施降惟微物三妨儲隸五塵朝黻途泰命屯
恩克報屈有悔可悛滯瑕難拂

皇太子釋奠會作

九章

國尚師位家崇儒門稟道毓德講藝立言浚明爽曙
達義茲昏未瞻先覺顧惟後昆

其二

大人長物繼天接聖時屯必亨運蒙則正偃閉武術

闡揚文令庶士傾風萬流仰鏡

其三

虞庠飾館睿圖炳眸懷仁憬集抱智膺至踵門陳書
躡屩獻器澡身玄淵宅心道秘

其四

伊昔周儲聿光往記思皇世哲體元作嗣資此夙知
降從經志湯彼前文規周矩值

其五

正殿虛筵司分簡日尚席函丈丞疑奉帙侍言稱群

惇史秉筆妙識幾音王載有述

其六

肆義芳訊大教克明敬躬祀典告奠聖靈禮屬觀盥
樂薦歌笙昭事是肅俎實非馨

其七

獻終襲吉即宮廣讌堂設象筵庭宿金懸台保兼徽
皇戚北彥肴乾酒澄端服整弁

其八

六官視命九賓相儀纓笏帟序巾卷克街都莊雲動

野飜風馳倫周伍漢超哉邈猗

其九

清暉在天先光必照物任其情理宣其奧妄先國胃
側聞邦教徒愧微冥終謝智效

二月三日詔宴西池詩

河岳曜圖聖時利見於赫有皇升中納禪載貞其恒
載通其變大哉人文至哉天睠昭哉儲德靈慶攸繁
明兩紫宸景物乾元帝宗蒼藹惟城惟蕃袞衣善職
彤弓受言飾館春宮稅鑣青輅長筵逶迤浮觴泔沂

為皇太子侍宴餞衡陽南平二王應詔詩

大儀在御皇聖居貞旁緝民紀仰緯天經物資感變
神以瑞形川無遁寶山不閔靈亦既戒裝皇心載遠
夕張亭皇晨儀禁苑神行景鶩發自靈闕對宴感分
瞻秋悼晚

從軍行

苦哉遠征人畢力幹時艱秦初畧揚越漢世爭陰山
地廣旁無界出阿上虧天嶠霧下高鳥冰沙固流川
秋飈冬未至春液夏不涓闡烽指荆吳胡塵屬幽燕

橫海咸飛驪絕漠皆控弦馳檄發章表軍書交塞邊
接鏑赴陣首卷甲起行前羽檄馳無絕旌旗晝夜懸
臥伺金柝響起堠亭燧烟逝矣遠征人惜哉私自憐
應詔觀北湖田收

周御窮轍迹夏載歷山川蓄軫豈明懋善遊皆聖仙
帝暉膺順動清蹕巡廣廡樓觀眺豐頴金駕映松山
飛奔互流綴緹縠代廻環神行埒浮景爭光溢中天
開冬眷徂物殘悴盈化先陽陸團精氣陰谷曳寒烟
積素旣森藹積翠亦葱芊息報言歲通急戒無年
溫渥浹輿隸和惠屬後筵觀風久有作陳詩愧未妍
疲弱謝陵遽取累非纏牽

車駕幸京口侍遊蒜山作

元天高北列日觀臨東溟入河起陽陝踐華因削成
巖險去漢宇襟衛徙吳京流池自化造山關固神營
園縣極方望邑社總地靈宅道炳星緯誕曜應辰明
睿思纏胡里巡駕市舊垌陟峯騰輦路尋雲抗瑤甍
春江壯風濤蘭野茂夷英宣遊弘下濟窮達凝聖情
嶽濱有和會祥習在十征周南悲昔老留滯感遺珉

空食疲廊肆反稅事嚴耕

車駕幸京口三月三日侍遊曲阿後湖作

虞風載帝狩夏諺頌王遊春方動宸駕望幸傾五州
山祇蹕嶠路水若驚滄流神御出瑤軫天儀降藻舟
萬軸胤行衛千翼汎飛浮彫雲麗璇蓋祥飈被綵旂
江南進荆艷河激獻趙謳金練照海浦笳鼓震溟洲
藐焉觀普崖衍漾觀綠疇民靈騫都野鱗翰聳淵丘
德禮伉普洽川嶽徧懷柔

拜陵廟作

周德恭明祀漢道遵光靈哀敬隆祖廟崇樹加園塋
逮事休命始投迹階王庭陪厠廻天顧朝讌流聖情
早服身義重晚達生戒輕否來王澤竭泰往人晦形
勅躬慙積素復與昌運并恩洽非漸漬榮會在逢迎
夙御嚴清制朝駕守禁城東紳入西寢伏軫出東堦
衣冠終冥漠陵邑轉葱青松風遵路悉山烟冒壠生
皇心憑容物民思被歌聲萬紀載絃吹千歲託旒旌
未殊帝世遠已同淪化萌壯幼因孤介未暮謝幽貞
發軌喪夷易歸軫慎崎傾

贈王太常

玉水記方流璇源載圓折蓄寶每希聲雖秘猶彰徹
聆龍睇九淵聞鳳窺丹穴歷聽豈多士歸然覲時哲
舒文廣國華敷言遠朝列德輝灼邦懋芳風被鄉耆
側同幽人居郊扉常晝閉林間時宴開亟廻長者轍
庭昏見野陰山明望松雪靜惟淡群化徂生人窮節
豫往誠歡歎悲來非樂關屬美謝繁翰遙懷具短札

夏夜呈從兄散騎車長沙

炎天方埃鬱暑晏闕塵紛獨靜闕偶坐臨堂對星分
側聽風薄木遙睇月開雲夜蟬當夏急陰蟲先秋聞
歲候初過半荃蕙豈久芬屏居惻物變慕類抱情殷
九逝非空思七襄無成文

直東宮荅鄭尚書

皇居體環極設險祗天工兩闈阻通軌對禁限清風
跂予旅東館徒歌屬南墉寢興鬱無已起觀辰漢中
流雲藹青闕皓月鑒丹宮踟躕清防密徙倚恒漏窮
君子吐芳訊感物惻余衷惜無丘園秀景行彼高松
知言有誠貫美價難克充何以銘嘉貺言樹絲與桐

和謝監靈運

弱植慕端操窘步懼先迷寡立非擇方刻意藉窮棲
伊昔邁多幸秉筆侍兩閨雖慙丹腹施未謂玄素朕
徒遭良時詖王道奄昏霾人神幽明絕朋好雲雨乖
弔屈汀洲浦謁帝蒼山蹊倚巖聽緒風攀林結留萸
跂予閭衡嶠曷月瞻秦稽皇聖昭天德豐澤振沈泥
惜無雀雉化何用充海淮去國還故里幽門樹蓬藜
采茨葺昔宇翦棘開舊畦物謝時旣晏年往志不偕
親仁敷情昵興玩究辭悽分馥歆蘭若清越奪琳珪
盡言非報章聊用布所懷

北使洛

改服飾徒旅首路踟險艱振楫發吳洲秣馬陵楚山
塗出梁宋郊道由周鄭間前登陽城路日夕望山川
在昔輟期運經始闢聖賢伊瀝絕津濟臺館無尺椽
宮陛多巢穴城闕生雲煙王猷升八表嗟行方暮年
陰風振涼野飛雲翳窮天臨塗未及引置酒慘無言
隱憫徒御悲威遲良馬煩遊後去芳時歸來屢徂
蓬心旣已矣飛薄殊亦然

還至梁城作

眇默軌路長憔悴征戍勤昔邁先祖師今來後歸軍
振策睽東路傾側不及群息徒顧將夕極望梁陳分
故國多喬木空城凝寒雲丘隴填邪郭銘誌滅無文
木石扃幽闥黍苗延高墳惟彼雍門子吁嗟孟嘗君
愚賤同堙滅尊貴誰獨聞曷爲久遊客憂念坐自殷
始安郡還都與張湘州登巴陵城樓作

江漢分楚望衡巫奠南服三湘淪洞庭七澤藹荆牧
經塗延舊軌登闔訪川陸水國周地險河山信重複
却倚雲夢林前瞻京臺固清寒霽岳陽曾暉薄蘭渚
悽矣自遠風傷哉千里目萬古陳往還百代勞起伏
存沒竟何人炯介在明淑請從上世人歸來藝桑竹

秋胡詩九首

倚梧傾高鳳寒谷待鳴律影響豈不懷自遠每相匹
婉彼幽閑女作嬪君子室峻節貫秋霜明艷侔朝日
嘉運旣我從欣願自此畢

其二

燕居未及好良人顧有違脫巾千里外結綬登王畿

戒徒在昧且左右來相依驅車出郊郭行路正威遲
存爲久離別沒爲長不歸

其三

嗟余怨行役三陟窮晨暮嚴駕越風寒解鞍化霜露
原隰多悲涼迴飈卷高樹離獸起荒蹊驚鳥縱橫去
悲哉遊宦子勞此山川路

其四

超擢行人遠宛轉年運徂良時爲此別日月方向除
孰知寒暑積飽俛見榮枯歲暮臨空房涼風起坐隅

寢興日已寒白露生庭蕪

其五

勤役從歸願反路遵山河昔辭秋未素今也歲載華
蠶月歡時暇桑野多經過佳人從所務窈窕援高柯
傾城誰不顧弭節停中阿

其六

年往誠思勞路遠闊音形雖爲五載別相與昧平生
捨車遵往路鳧藻馳目成南金豈不重聊自意所輕
義心多苦調密比金玉聲

其七

高節難久淹，竭來空復辭。
遲遲前途盡，依依造門基。
上堂拜嘉慶，入室問何之。
日暮行來歸，物色桑榆時。
美人望昏至，慙歎前相持。

其八

有懷誰能已，聊用申苦難。
離居殊年載，一別阻河關。
春來無時豫，秋至恒早寒。
明發動愁心，閨中起長嘆。
慘悽歲方晏，日落遊子顏。

其九

高張生絕絃，聲急由調起。
自昔往光塵，結言固終始。
如何久爲別，百行誓諸已。
君子失明義，誰與借沒齒。
愧彼行露詩，甘之長川汜。

五君詠五首

阮步兵

阮公雖淪跡，識密鑿亦洞。
沉醉似埋照，寓辭類託諷。
長嘯若懷人，越禮自驚衆。
物故不可論，途窮能無慟。

嵇中散

中散不偶世，本自餐霞人。
形解驗默仙，吐論知凝神。

立俗迂流議尋山冷隱淪鸞翮有時鍛龍性誰能馴

劉參軍

劉伶善閉關懷情滅聞見鼓鐘不足歡榮色豈能眩
韜精日沉飲誰知非荒宴頌酒雖短章深衷自此見

阮始平

仲容青雲器實稟生民秀音何用深識微在金奏

郭奕已心醉山公非虛覲屢薦不入官一麾乃出守

向常侍

向秀甘淡薄深心託毫素探道好淵玄觀書鄙章句

交呂既鴻軒攀嵇亦鳳舉流連河裏遊惻愴山陽賦

為織女贈牽牛

婺女儷經星姮娥棲飛月慙無二媛靈託身侍天闕

閭闔殊未暉咸池豈沐髮漢陰不夕張長河為誰越

雖有促讌期方須涼風發虛計雙曜周空遲三星沒

非怨杼軸勞但念芳菲歇

歸鴻

昧旦濡和風霑露踐朝暉萬有皆同春鴻鴈獨辭歸

相鳴去澗汜長引發江畿皦潔登雲侶連綿千里飛

長河朔路緬與湘漢違

除第服

徂沒離二秋掩泣備三冬往辰緬難紀來筭忽易窮
升沒掩暮晦洒掃易禮容縞衣變余體長逝歸爾躬

辭難朝溝

徘徊春郊旬俛仰引單襟一塗苟不豫百慮畢來侵
求懷交在昔有願誓瑟琴寫言勞者事將用慰亡簪

侍東耕詩

題封經地域辰角麗天節浮藹起青壇沈腴發紺耦

草服薦同穗黃冠獻嘉壽

登景陽樓

風觀要春景月榭迎秋光
泐波被華若隨山茂貞芳

宋南郊登歌三首

夕牲歌

蚤威寶命嚴恭帝祖表海炳岱選作炳海表岱系唐胄楚靈

鑒濬選作濬文民屬睿武奄受敷錫宅中拓宇亘地稱

皇鑿天作主月竈來賓日際奉土開元正首禮交樂

舉六典聯事九官列序有牲滌有潔在俎以薦王

王衷以答神祐

迎送神歌

維聖饗帝維孝饗

樂府作養

親皇平備矣有事上春禮行

宗祀敬達郊禋金枝中樹廣樂四陳陟配在京降德

在民奔精照夜高燎煬晨陰明浮爍沈祭

音深

淪告

成大報受釐元神月御按節星驅扶輪遙興遠駕

樂府

作舉曜曜振振

饗神歌

營泰時定天衷思心睿謀筮從建表蒞設郊宮田燭

置燿火通曆元旬律首吉飾紫壇坎列室中星兆六

宗秩乾宇晏地區謚大孝昭祭禮供牲日展盛自躬

具陳噐備禮容形儻綴被歌鍾望帝闈聳神蹕靈之

來辰光溢潔粢酌娛太一明燁夜華晷日裸旣始獻

又終煙薌鬯報清穹饗宋德祚王功休命永福履克

應詔詩

太儀在御皇聖居真旁緝民紀仰緯天經物資感變

神以瑞形川無遁寶山不闕靈亦旣戒裝皇心載遠

夕帳亭臯晨儀禁苑神行景驚發自靈闔對宴感分

瞻秋悼晚

詔宴西池詩

河岳曜圖聖時利見於赫有皇升中納禪載貞其恒
載通其變大哉人文至矣天睠昭哉儲德靈慶攸繁
明兩紫宸景物乾元帝宗瞻藹惟城惟蕃衮衣善職
彤弓受言飾館春宮稅鑣青輅長筵逶迤浮觴汭沂

答王僧達詩

玉水記方流璇原載圓折蓄寶每希聲雖秘猶彰澈
聆龍際九州聞鳳窺
歷聽豈多士唯然觀時哲

舒文廣國華敷言遠朝烈德輝灼光茂芳風被鄉耆
側同幽人居郊扉常晝閭林間時晏開亟廻長者轍
庭昏見野陰山明望松雪靜性淡群化徂生入窮節
豫往誠歡聚悲來非樂闕屬美謝繁翰遙懷具短札

38-1-22
巨変化巻
#20.12

歴史文庫

三

